



KOMUNIKADO PA PRENSA

Fecha
6 di yüni 2016

Accountmanager di Komunikashon
Jhanirha Da Costa Gomez

Email
jhanirha.anita@gobiernu.cw

TA BAI KUMINSÁ KU TRABOUNAN DI MANTENSHON DI SCHOUWBURGWEG

Willemstad - Minister Camelia-Römer huntú ku Servisio pa Obra Públiko (OW) ta anunsiá ku ta bai kuminsá ku trabounan di mantenshon di Schouwburgweg. E trabounan ta start djaluna próksimo 13 di yüni.

Schouwburgweg ta den un mal estado i pa e motibu aki ta bai asfaltá e kaminda di nobo. Lo kita e kapa di asfalt bieu i pone un kapa nobo. E kontratista enkargá ku e trabounan aki ta MNO Vervat. E trabounan ta sosodé den 4 fase i tin un durashon total di 11 siman.

E promé fase ta for di Business Center Pos Cabaai te na e entrada di Sentro Sindikal Korsou (SSK) i tin un durashon di 4 siman. Fase 2 lo ta di SSK te ku entrada di KPMG i lo tin un durashon di 2 siman. Despues ta sigui ku fase 3 di Martina Plumbing te ku Trustmoore pa un periodo di 3 siman. Por último, ta hasi fase 4 esta e entrada di Schouwburgweg. E último aki ta dura 2 siman.

Durante di e trabounan aki, ta importante pa menshoná ku:

- 1) E kaya ta keda aksesibel pa outomobilistanan mirando ku ta traha riba un via promé i despues riba e otro via;
- 2) Ta traha un ruta alternativo, via di sitio di parker di Sentro Pro Arte pa empleadonan, ku ta laborá den e edifisionan di APC, por keda parker na e sitio di parker di APC mes;
- 3) Lo pone un waya ku gepe pa minimalisá e molèster di stof;
- 4) Tur negoshi i/of organisashon lo keda aksesibel durante di e trabounan;

OW, Departamentu di Tráfiko di Polis i e kontratista MNO Vervat ta pidi habitantenan, propietarionan i tur outomobilista pa tene debito kuenta ku e trabounan aki i kore ku koutela. Tambe ta spera kompreshon i ta gradisí di antemano pa e koperashon. Pa mas informashon òf pregunta por pasa na e 'bouwketen' òf por manda un email na info.vvrp@gobiernu.cw.